

LOKALNE POLITIKE 2024

Bosna i Hercegovina kao ujedinjena i ozdravljena država nije samo ideja, već realna građanska opcija koju je pokrenuo prvi politički pokret širokog centra, Platforma za progres.

Naš temeljni cilj je izgradnja funkcionalne države u kojoj će svi građani imati jednaka prava i obaveze, bez obzira na njihov identitet ili mjesto boravka.

Platforma za progres je posvećena uspostavljanju novog sistema vrijednosti, gdje će odgovornost prema državi i građanima, znanje, sposobnost i lični integritet biti jedini kriteriji za napredovanje i uspjeh.

Pri uspostavljanju novog sistema vrijednosti, Platforma za progres poseban naglasak stavlja na svojih pet principa:



DRŽAVA



ZNANJE



POŠTENJE



MLADI



ODGOVORNOST

Unaprijeđenje infrastrukture

- Izgradnja i rekonstrukcija zastarjele vodovodne i kanalizacione mreže u dijelovima lokalne zajednice gdje je trenutno nema ili je neispravna, što dovodi do gubitaka vode i otežava snabdijevanje.
- Sanacija i čišćenje korita i slivova potoka i rijeka.
- Iniciranje kvalitetnijeg upravljanja i formiranja kanala za oborinske vode.
- Izgradnja novih ili proširenje postojećih rezervoara i akumulacija za skladištenje vode.

Lokalna zajednica i politike

- Uključiti sve zaposlene u lokalnoj zajednici u registar zaposlenih u javnom sektoru kako bismo povećali transparentnost i omogućili bolje planiranje i upravljanje resursima.
- Reforma lokalne sportske politike kako bi se pružila ozbiljna podrška individualnom i timskom sportu.
- Uvođenje koncepta "otvorenih podataka", uključujući budžetske podatke, planove i izvještaje, kako bi građani mogli učinkovitije pratiti institucionalne aktivnosti i koristiti podatke.
- Smanjenje fiskalnih opterećenja za preduzeća kako bi se olakšalo poslovanje i povećala konkurentnost. Poseban fokus na preduzetništvo u kreativnom i turističkom sektoru.
- Sanacija prostora mjesnih zajednica.
- Aktivno podržati i olakšati proces implementacije presuda domaćih i međunarodnih sudova koje nalažu ukidanje segregiranih škola kroz saradnju sa višim nivoima vlasti, iniciranjem lokalnih integracijskih programa, te promicanjem obrazovnih modela koji favoriziraju inkluziju i zajedništvo.
- Osnivanje tehnoloških inkubatora za razvoj visokih tehnologija s fokusom na digitalizaciju javne uprave i pametne gradove, kao ključne inicijative za državotvorni napredak.

Uključivanje kulture i očuvanje kulturne baštine

- Uključivanje kulture kao ključnog elementa u strateške dokumente lokalne strategije razvoja.
- Kreiranje interaktivne mape koja prikazuje kulturno-historijske znamenitosti, tradicionalne zanatlije i umjetnike.
- Identifikacija i restauracija starih zgrada od kulturnog značaja.
- Promocija i podrška tradicionalnim zanatima kroz subvencije, izložbe i prodajne manifestacije.
- Osnivanje i podrška kulturnih centara i institucija koje će organizirati raznovrsne kulturne programe, kao što su izložbe, koncerti, pozorišne predstave, filmske projekcije i književne večeri.
- Poticaji za razvoj kreativnih industrija: film, muziku, dizajn i digitalne umjetnosti.

Saobraćaj u lokalnoj zajednici

- Rekonstrukcija i proširenje saobraćajnica kako bi se omogućio nesmetan promet autobusa i minibusa, uključujući izgradnju trotoara i sigurnih autobusnih stajališta.
- Izgradnja automatizovano-rotacijskih garaža.
- Jačanje sistema upravljanja saobraćajem u mirovanju kroz formiranje baze podataka o raspoloživosti parking površina, planiranju saobraćaja u mirovanju, formiranju organizacije (na lokalnom nivou) za provođenje aktivnosti u oblasti saobraćaja u mirovanju i procese kontrole.
- Plansko i sistemsko pristupanje problemu nedovoljnih parking površina kroz izgradnju novih nadzemnih i podzemnih garaža.
- Uvođenje 'Fast Park System - FPS' (Brzi parking sistem) omogućava efikasno proširenje parking kapaciteta izgradnjom montažnih garaža na otvorenim površinama ili iznad postojećih parkirališta.
- Uvođenje dodatnih linija javnog prevoza i povećanje frekvencije postojećih linija posebno u perifernim naseljima koja su veoma loše povezana sa centralnim dijelovima lokalne zajednice.
- Postavljanje stanica za punjenje električnih vozila u svim postojećim i novim garažama s ciljem promocije ekološki prihvatljivih načina transporta.
- Uspostavljanje parking zona za električna vozila uz popuste ili besplatna parkiranja s ciljem promocije održivih oblika prijevoza.
- Uspostavljanje parking zona za bicikle.

Podrška turizmu

- Podrška u izgradnji i održavanju infrastrukture kao što su putevi, parkirališta, javni toaleti, informacijski centri i pristupne staze.
- Razvoj brenda 'Bosna i Hercegovina' kao turističke destinacije sa bogatim kulturnim naslijeđem, raznolikom prirodom i autentičnim iskustvima.
- Poboljšanje turističke infrastrukture uključujući smještajne kapacitete, restorane, transportne veze i informativne centre.
- Razvoj ekoturizma u zaštićenim područjima i nacionalnim parkovima promovirajući prirodne ljepote BiH.

Povezivanje sa dijasporom i međunarodnim organizacijama

- Aktivno angažiranje dijaspore u lokalnim projektima kroz stvaranje povoljnih uslova za investicije i poslovnu suradnju.
- Povezivanje sa međunarodnim organizacijama i mrežama kako bi se omogućila razmjena iskustava, resursa i stručnosti, te poticala međunarodna kulturna razmjena.



Cirkularna ekonomija i reciklaža

- Promovisanje i poticanje reciklaže, ponovne upotrebe i smanjenja otpada kroz uvođenje programa za reciklažu i kompostiranje uz kontinuiran proces promoviranja korištenja obnovljivih izvora energije i smanjenja upotrebe plastike i drugih nerazgradivih materijala.
- Stručno projektovanje zona za odlaganje smeća sa uređenim, natkrivenim i zatvorenim prostorom te prostorom koji ni u kojem slučaju ne ugrožava promet i sigurnost vozila i pješaka.

Podrška školama

- Obnova i modernizacija školskih i predškolskih objekata.
- Izdvajanje dodatnih sredstava za nabavku udžbenika, školskih materijala i digitalnih alata kako bi svi učenici imali jednake uslove za učenje.
- Subvencioniranje specijaliziranih obrazovnih programa u saradnji sa univerzitetima i industrijom koji će biti prilagođeni potrebama tržišta rada i specifičnostima regionalnih privreda.
- Povećanje ulaganja u stipendiranje učenika. Stvaranje programa za identifikaciju i podršku talentovanim učenicima kroz stipendije, takmičenja i sudjelovanje u nacionalnim i međunarodnim projektima.

Podrška digitalizaciji

- Uspostaviti javnu digitalnu infrastrukturu koja omogućava MSP bržu digitalnu transformaciju. Poticati razvoj digitalnih vještina stanovništva, s posebnim fokusom na IT sektor.
- Promovisati primjenu AI tehnologija u lokalnim kompanijama, čime bi se poboljšala produktivnost i inovativnost.
- Podrška inovacijama i istraživanju kroz financiranje istraživačkih projekata.

Razvoj i promocija kulturnog sektora

- Osigurati da kulturni događaji i aktivnosti budu dostupni svim građanima, bez obzira na njihov socioekonomski status.
- Investirati u razvoj i unaprijeđenje kulturnih prostora.
- Izdvajanje novca za razvoj književnog stvaralaštva, izdavaštva i naučne literature.
- Podržati osnivanje kulturnih centara i muzeja koji će promovirati lokalnu kulturu, historiju i tradiciju.

Unapređenje obrazovanja i razvoj ICT vještina

- Unaprijediti infrastrukturu obrazovnih ustanova kako bi podržala povećanje kvaliteta osnovnog, srednjeg i visokog obrazovanja.
- Osigurati tehničku podršku i razvoj infrastrukture za promociju cjeloživotnog učenja i razvoj ICT vještina među mladima, stvarajući povoljne uslove za digitalno obrazovanje.

Edukacija i obuka


- Edukacija lokalnih zajednica o značaju kulturnog i turističkog sektora i načinima na koje mogu sudjelovati i profitirati od turističkog razvoja.
- Organizacija edukativnih programa i radionica za MSP-e o ključnim poslovnim vještinama
- Organizacija besplatnih edukativnih programa i obuka za mlade i odrasle u oblastima kao što su IT, digitalne vještine, zanati, agro-tehnologije, turizam i ugostiteljstvo u svrhu samozapošljavanja.
- Organizacija redovnih obuka, seminara i programa usavršavanja za članove savjeta mjesnih zajednica i zaposlenike općine/grada, s ciljem unaprijeđenja njihovih vještina upravljanja, komunikacije, projekt menadžmenta i kontinuiranog profesionalnog razvoja.
- Kreiranje programa za povećanje uključenosti građana u rad mjesnih zajednica.

Podrška inovacijama i zelenim tehnologijama

- Podrška istraživanju i razvoju zelenih tehnologija uključujući energiju iz obnovljivih izvora, tehnologije za smanjenje emisija stakleničkih plinova i recikliranje otpada.
- Projektovanje i izgradnja fotonaponskih elektrana za vlastitu potrošnju na objektima u vlasništvu lokalne zajednice kao i podršku za kućanstva i poduzetnike koji žele instalirati obnovljive izvore energije.

Razvoj industrijskih i inovacijskih centara

- Razvoj industrijskih parkova i poslovnih zona.
- Osnivanje lokalnih inovacijskih centara specijaliziranih za različite sektore, kao što su IT, biotehnologija, energetika i održivi razvoj u ključnim gradovima kao što su Sarajevo, Banja Luka, Mostar i Tuzla.
- Razvoj logističkih centara i distribucijskih mreža kako bi se poboljšala efikasnost i smanjili troškovi transporta za lokalne proizvođače i poduzetnike.



Borba protiv korupcije i kriminala

- Formirati nezavisne komisije unutar svake lokalne zajednice koje će pratiti i istraživati slučajeve korupcije i nepotizma u lokalnoj upravi.
- Uvesti obavezu praksu objavljivanja svih transakcija vezanih za javne tendere, ugovore i budžetska izdvajanja na online platformi dostupnoj građanima.
- Uspostaviti stroge procedure za zapošljavanje u lokalnoj administraciji koje uključuju nezavisne komisije za ocjenjivanje, obavezno objavljivanje kriterija za izbor, te transparentan proces selekcije bez političkog ili nepotističkog utjecaja.
- Osnovati lokalne savjete koji bi uključivali predstavnike građana, lokalne policije i pravosudnih organa, sa ciljem praćenja i koordinacije borbe protiv kriminala na lokalnom nivou.
- Kreirati online platformu gdje građani mogu anonimno prijaviti slučajeve korupcije, kriminala ili nepotizma.
- Uvesti obavezne revizije svih javnih nabavki i ugovora od strane nezavisnih revizorskih kuća, te objavljivanje nalaza revizije na javno dostupnim platformama.

Novi model savjeta mjesnih zajednica

- Inicirati pravni okvir i institucionalnu strukturu koja će revitalizirati mjesne zajednice, jačati njihove uloge u lokalnoj samoupravi, omogućiti veću participaciju građana u donošenju odluka, decentralizirati općinske ovlasti, te uvesti različite tipove mjesnih zajednica prilagođene urbanim i ruralnim područjima, te osigurati efikasniju i demokratičniju lokalnu upravu.

Finansije i javna potrošnja

- Smanjenje javne potrošnje sa ciljem usmjeravanja novca u privredu, razvojne projekte te projekte unaprijeđenja komunalne infrastrukture i urbanog mobilijara (kante za smeće, putokazi, javne česme i fontane, saobraćajna signalizacija, javni toaleti).
- Transparentnije dodjeljivanje finansijske podrške civilnim društvima i organizacijama te vjerskim zajednicama uz kontinuirano i aktivno praćenje izvršavanja konkretnih projekata koji su od interesa za lokalnu zajednicu.
- Kreiranje lokalnih fondova sa zadatkom ubrzanog lokalnog razvoja i privlačenja investicija.

Pojednostavljenje administrativnih procedura

- Pojednostavljenje administrativnih procedura i smanjenje administrativnih prepreka za otvaranje i vođenje MSP-a.
- Uvođenje digitalnih platformi za upravljanje dokumentima i prijavama, omogućavajući građanima pristup i podnošenje zahtjeva online.
- Uspostavljanje jedinstvenog servisnog centra gdje građani mogu obaviti administrativne poslove na jednom mjestu.
- Identifikacija i uklanjanje nepotrebnih koraka u administrativnim procesima kako bi se smanjila složenost i ubrzali postupci, olakšavajući građanima pristup uslugama.

Socijalna pomoć i stambena politika

- Podsticanje socijalno ugroženih porodica na pokretanje malih kućnih biznisa kroz procese samozapošljavanja i uz dodijeljene uloge mentorstva i dodatne finansijske pomoći.
- Uvođenje ili povećanje jednokratne pomoći za porodice sa niskim prihodima, posebno onima s više djece, starijim članovima ili osobama s invaliditetom.
- Redovno stipendiranje djece pod starateljstvom putem Centra za socijalni rad.
- Stambeno zbrinjavanje i briga o osobama bez roditelja/skrbnika nakon napunjenih 18 godina života.
- Ubrzani razvoj stambene politike i izgradnja društvenih jedinica za zajedničko stanovanje.
- Finansijska podrška za jednoroditeljske porodice.

Podrška inovacijama i uključivanju građana

- Razvijanje online platformi i mobilnih aplikacija koje omogućavaju građanima da predlažu ideje za poboljšanje života u zajednici.
- Uspostavljanje Fonda za podršku inovativnim projektima sa ciljem pružanja finansijske i mentorske podrške najboljim idejama koje doprinose društvenom, ekonomskom ili kulturnom razvoju zajednice.

Lokalna zdravstvena zaštita

- Pokrenuti projekte izgradnje novih zdravstvenih ustanova i obnavljanja postojećih domova zdravlja i bolnica.
- Investirati u nabavku savremene medicinske opreme za sve lokalne zdravstvene ustanove.
- Uložiti u izgradnju specijaliziranih centara za mentalno zdravlje koji će nuditi sveobuhvatne usluge, uključujući terapiju, rehabilitaciju i podršku, kao i preventivne programe za građane svih uzrasta.
- Organizovanje besplatnih ili subvencioniranih zdravstvenih usluga, te pružanje pomoći u nabavci lijekova i medicinskih pomagala.

POŠTENJE

Podrška mladima i porodicama

- Poticaji za mlade bračne parove, uključujući subvencije za stambene kredite, stanove i poticanje nataliteta.
- Aktivan razvoj i unaprijeđenje pronatalitetne politike.
- Izgradnja većeg broja vrtića s ciljem postizanja proširenja kapaciteta za boravak, čuvanje i edukaciju djece predškolskog uzrasta uz kreiranje adekvatne socijalne i pronatalitetne politike.

Podrška kulturnim i sportskim manifestacijama

- Organizacija godišnjih kulturnih festivala i manifestacija, koje promiču lokalnu i regionalnu kulturu, umjetnost, običaje, gastronomiju i tradiciju.
- Podrška kulturnim i sportskim aktivnostima koje će angažovati mlade i poticati njihov razvoj kao i podrška lokalnim klubovima.
- Uređenje postojećih izletišta i formiranje novih sadržaja.
- Iniciranje veće povezanosti organa mjesnih zajednica međusobno sa ciljem unaprijeđenja kulturno-sportskog života kroz razne zajedničke akcije, susrete, takmičenja i slično.

Podrška avanturističkom turizmu i adrenalinskim aktivnostima

- Subvencioniranje aktivnosti kao što su planinarenje, rafting, skijanje i biciklizam.
- Izgradnja adrenalinskog zabavnog parka, workout parkova, inkluzivnih parkova, površine za igranje šaha i slično.

Centar za mlade

- Izgradnja Centara za mlade koji će pružiti resurse, edukaciju i podršku za zapošljavanje, inovacije i start-upe, te kulturne i sportske aktivnosti.

Podrška sigurnosti

- Provesti sanaciju i modernizaciju dječijih igrališta te povećati sigurnosne mjere na istima.
- Rekonstrukcija, proširenje i osvjetljavanje svih prilaznih puteva školama.
- Rekonstruisati i izgraditi sportska igrališta, omogućavajući mladima i odraslima bolje uslove za bavljenje sportom i rekreacijom.
- Uspostaviti efikasniju i otvoreniju komunikacije sa policijom i Ministarstvom unutrašnjih poslova osnivanjem radne grupe koja će uključivati predstavnike lokalne zajednice, policije i MUP-a.

Podrška MSP-ima i poduzetnicima


- Osnivanje poslovnih inkubatora i akceleratora u različitim regijama koji bi nudili podršku novim i postojećim MSP-ima kroz mentorstvo, obuku, prostor za rad i pristup investitorima.
- Stvaranje fondova za rizični kapital i grantova za inovativne projekte s fokusom na mlade poduzetnike i tehnološke inovacije.
- Organizacija sajмова i izložbi na kojima MSP-i mogu predstaviti svoje proizvode i usluge.
- Uvođenje subvencioniranih kredita i grantova za MSP-e, a posebno za start-upove.
- Podrška u digitalizaciji poslovanja za lokalne MSP-e: uključujući subvencije za razvoj e-trgovine, digitalnog marketinga i korištenje digitalnih alata za povećanje efikasnosti.

Jačanje Vijeća mladih

- Sistemsko i institucionalno osnaživanje rada vijeća mladih.
- Uključivanje mladih osoba u društvene i ekonomske procese kroz volontiranje, formalno i neformalno omladinsko organizovanje, kao i kroz promociju zakona o mladima i punu primjenu istog od strane lokalnih vlasti.

Zadržavanje mladih

- Poticaji za povratak i zadržavanje mladih kroz programe stipendiranja, obuke i zapošljavanja u lokalnim zajednicama.
- Uvođenje inkluzivnih aktivacijskih programa za mlade: program zapošljavanja za osjetljive grupe mladih, programi zapošljavanja za dugoročno nezaposlene mlade osobe, savjetovanja i slično.
- Uspostavljanje partnerstva sa lokalnim kompanijama s ciljem organizacije plaćenih stažiranja i praksi za mlade.
- Uspostaviti posebne programe za poticanje mladih na bavljenje poljoprivredom, uključujući grantove, mentorstvo i tehničku podršku.



Održivi urbanizam i razvoj zajednica

- Stavljanje u funkciju napuštenih i neiskorištenih prostora kroz revitalizaciju urbanih prostora, pretvaranje napuštenih industrijskih zona u javne prostore, uz poštivanje principa održivog razvoja. Sveobuhvatna analiza objekata u vlasništvu lokalne zajednice sa ciljem identifikacije potrebnih mjera za povećanje njihove vrijednosti i funkcionalnosti
- Kreiranje održivog urbanizma kroz strateške planove razvoja lokalne zajednice kao polazne osnove za prostorno-plansko planiranje sa fokusom na razvoj parkova, otvorenih javnih prostora za socijalizaciju i rekreaciju, zelenih koridora i drugih javnih zelenih površina, planiranje novih naselja i komercijalnih prostora sa fokusom na održivost i racionalan odnos izgrađenosti u odnosu na okoliš, uključujući korištenje energetski efikasnih zgrada i infrastrukture.
- Iniciranje aktivnije uloge lokalnih i viših organa u saniranju registrovanih i potencijalno novih zona klizišta.
- Uspostavljanje registra stanova koji se izdaju radi efikasnije naplate poreza.
- Efikasnija kontrola nad sprovođenjem obaveza iz Zakona o upravljanju i održavanju zgrada.
- Održivo upravljanje šumskim resursima s naglaskom na jačanje otpornosti šuma na klimatske promjene. Zaštita šuma od devastacije u svrhu prilagođavanja planovima prostornog uređenja i interesima koncesionara.

Podrška socijalnoj inkluziji i volonterizmu

- Povećanje socijalne uključenosti marginaliziranih grupa, poboljšanje usluga socijalne zaštite i osiguranje programa za smanjenje energetskog siromaštva.
 - Promocija i podrška volonterskim inicijativama koje uključuju različite društvene skupine, uključujući mlade, osobe treće životne dobi i marginalizirane grupe.
- Izdavanje većih finansijskih sredstava za programe namjenjene stanovništvu treće dobi.
- Povezivanje lokalnih nevladinih organizacija sa mjesnom zajednicom kroz proces organizacije i realizacije projekata od interesa za obje strane.

Podrška sportu i zdravom načinu života

- Investirati u izgradnju i održavanje sportskih objekata, uključujući sportske dvorane, igrališta, teretane i bazene.
- Finansijska i logistička podrška lokalnim sportskim klubovima i organizacijama.
- Osigurati da sportski programi budu pristupačni svima, uključujući osobe s invaliditetom i druge marginalizirane grupe.
- Stvaranje online platformi ili mobilnih aplikacija koje pružaju informacije o dostupnim sportskim programima, rasporedu događaja, treninga i savjeta za zdrav život.
- Uspostavljanje sistema javnih bicikala i izgradnja i markiranje pješačkih i biciklističkih staza, edukacijskih staza i odmorišta.

Lokalna poljoprivreda i ruralni razvoj

- Uspostaviti program davanja zemljišta na korištenje poljoprivrednicima, uz subvencioniranje kupovine sjemena, gnojiva, opreme i drugih potrebnih resursa.
- Investirati u infrastrukturu potrebnu za poljoprivredu, kao što su sistemi za navodnjavanje, skladišta, otkupni centri i hladnjače.
- Unaprijediti i razviti nove programe ulaganja u plasteničku proizvodnju, pčelarstvo i stočarstvo.
- Organizacija lokalnih tržnica gdje poljoprivrednici mogu direktno prodavati proizvode, čime bi se smanjila rasprostranjena ulična prodaja.
- Subvencioniranje projekata iz oblasti ruralnog turizma.
- Promovisati i subvencionirati prelazak na organsku poljoprivredu uz posebne programe obuke i certifikacije za poljoprivrednike.

ODGOVORNOST

Unaprijeđenje infrastrukture i podrška osobama s invaliditetom

- Zamjena postojećih uličnih svjetiljki energetski efikasnom LED rasvjetom i uvođenje solarnih sistema za uličnu rasvjetu.
- Osvjetljenje svih pješačkih prelaza u prometnim zonama.
- Prilagodba prilaza javnim preduzećima i ustanovama osobama sa poteškoćama u kretanju.
- Subvencioniranje prilagodbi stanova za osobe sa invaliditetom uključujući izgradnju rampi i prilagodbu sanitarnih čvorova.
- Prilagodba parking prostora osobama sa invaliditetom osiguravajući široka, pristupačna parking mjesta.
- Sanacija cestovne signalizacije svijetlećim, fosfornim bojama.
- Subvencioniranje u procesima rekonstrukcije fasada, krovova, zamjene azbestnih ploča sa krovova, liftova.

Podrška boračkoj populaciji

- Finansijska podrška za boračku populaciju, šehidske porodice i RVI.
- Podrška u obrazovanju i zapošljavanju članova boračkih i šehidskih porodica, kroz stipendiranje, programe prekvalifikacije i podršku pri zapošljavanju.
- Transparentna finansijska podrška organizacijama i udruženjima koja se bave pružanjem pomoći i podrške boračkoj populaciji, šehidskim porodicama i RVI.